



Servetsch psicologic da scola Grischun

Cussegiaziun da scola e d'educaziun

Fugitivas e fugitivs en scola

Publitgà cun l'approvaziun amicabla da la gruppda lavur "Uffant & trauma"

- lic. fil. C. Gunsch (clinica psichiatrica universitara Turitg, clinica per psichiatria e psicoterapia d'uffants e da giuvenils)
- lic. fil. I. Koch (clinica psichiatrica universitara Turitg, clinica per psichiatria e psicoterapia d'uffants e da giuvenils)
- lic. fil. C. Kohli (center socialpediatric da l'ospital chantunal Winterthur)
- prof. dr. fil. M. Landolt (ospital d'uffants Turitg ed institut psicologic da l'universitat Turitg),
- dr. fil. N. Morina (ospital universitar Turitg)

Durant l'instrucziun da gimnastica sa zuppa in giuvenil tuttenina sbragind en il local d'urdains.

Suenter ch'in mat ha savì far in di senza problems ils quints declerads, para el d'avair emblidà tut il di suenter.

In uffant fugitiv plunta in auter uffant da la medema vegliadetgna senza in motiv constatable d'ordaifer.

Tge è capità?

Questa broschura duai dar respostas curtas e concretas sin talas dumondas.

Uffants fugitivs en scola

Blers uffants fugitivs ha fatg tras chaussas terriblas en lur pajais da derivanza e sin la fugia. Els derivan d'in auter milieu da vita cun in'autra lingua, cun outras normas e strukturas. Tuttenina ston els s'orientar en in mund ch'è ester per els senza pudair discurrer lur lingua e duvrar lur pleds per il spavent fatg tras. Ils geniturs èn savens traumatisads er els, emprovan da supprimer quai ch'els han fatg tras e na pon strusch sustegnair lur uffants en lur svilup. Els ston l'emprim s'occupar da la nova situaziun da vita, chattar qua la storta e reponderar lur disas.

Fugitivas e fugitivs en Svizra han però ina vita relativamain segira, savens però sut cundiziuns finanzialmain difficilas ed isoladas. Povradad chaschuna sentiments da turpetg. Er remartgas xenofobas u sguards spretscharts rendan uffants e giuvenils fugids supplementarmain malsegirs e chaschunan temas.

Las sfidas che famiglias da fugitivs ston dumagnar èn numerosas e n'èn betg da sutvalitar en lur intensitat.

Trauma

In trauma è il far tras ina smanatscha existenziala che chaschuna ina desperaziun profunda tar las persunas pertutgadas. En quest connex po la persuna esser stada confruntada sezza, sco perditga u tras raquints cun quai ch'è capità.

Umans reageschan en moda fitg differenta sin experientschas grevamain stressantas. Sch'i restan enavos disturbis permanents suenter l'eveniment traumatic, discurrant ins d'in disturbis traumatic consecutiv.

Ina furma fitg frequenta d'in disturbi traumatic consecutiv è l'uschenumnà disturbi post-traumatic da stress. Quest disturbi sa manifestescha tras las suandantas quatter caratteristicas principales:

regurdientschas che returnan adina puspè, evitaziun, patratgs negativs e surexcitaziun

- *Regurdientschas che returnan adina puspè*: Regurdientschas da las experientschas traumáticas returnan adina puspè en moda nuncontrollada en furma da "flashbacks" u da nauschs siemis, saja quai en scola, en il mintgadi u durant la notg. Savens na reusseschi betg da far svanir quests maletgs, quai po chaschunar grondas temas e desperaziuns. Tals maletgs vegnan clamads da stimuli (ramurs, odurs e.u.v.) u er d'emoziuns che ststattan en in connex cun las experientschas traumáticas. Tals stimuli che claman las nauschas regurdientschas èn savens difficils d'identifitgar per l'uffant e per ses ambient.
- *Evitaziun*: Perquai che las regurdientschas nunvulidas a las experientschas traumáticas èn uschè engreviantas, emprovan las personas pertutgadas d'evitar e d'emblidar tut quai che las tira endament quel eveniment sgarschaivel (discurs, lieus, patratgs, tschertas situaziuns u tscherts umans e.u.v.). Er quai na reusse-scha savens betg. Savens è l'evitaziun er colliada cun ina retratga dal mintgadi e da la famiglia.
- *Patratgs negativs*: Blers uffants e giuvenils traumatisads han in'opiniun fitg negativa da sasezs, dal mund e da lur avegnir. Patratgs da suicid pon en rars cas esser ina consequenza da tals patratgs negativs.
- *Surexcitaziun*: Uffants e giuvenils traumatisads sa chattan savens en ina pron-tezza d'alarm permanenta per sa proteger cunter ina traumatisaziun futura. Accumpagnada vegn quella da tensiun, problems cun il sien, difficultads da concentraziun, excitabladad e spaventusedad.

Per part sa mussan supplementarmain als sintoms numnads qua survart er *sintoms dissociativs*. Dissociaziuns èn ina pussaivladad per survivre psichicamain situaziuns che sa repetan e ch'en extremamain smanatschantas. Qua supprima la persuna pertutgada sentimenti e sensibladads. Questa moda da reagir vegn repetida, sche privels sa mussan puspè. Talas modas da sa cumportar protegian cunter tema e mitigeschan per il mument la miseria. A pli lunga vista però chaschunan ellas che la persuna na considerescha ina part da ses sentiments e da sias experientschas betg pli sco ses agens.

Consequenzas ed intervenziuns en scola

La premissa ch'ils uffants e giuvenils pon s'integrar ed emprender è ch'els vesan e pon prender la scola sco *lieu segir*. In rom quiet, fidà e previsibel è la basa per quai. Uffants e giuvenils traumatisads basegnan en scola persunas d'instrucziun che als tractan cun stima e che als sustegnan e promovan en lur stadi da svilup. Per in uffant fugitiv avess la persuna d'instrucziun dad esser ina persuna da confidenza, cun la quala el pudess - sch'el vuless quai da sai anora - discurrer da sias experientschas terriblas. La persuna d'instrucziun na dastga però mai dumandar ora l'uffant! Persunas d'instrucziun avessan d'avair ina tenuta che s'orientescha vi da las resursas. Ir enturn cun scolaras e scolars traumatisads po esser ina chargia per las persunas d'instrucziun. Perquai stuessan las persunas d'instrucziun dar adatg d'enconuscher lur cunfins personals. Ellas n'èn náginas psicoterapeutas. I dovrà però ina pronteza d'estender las atgnas ideas e cumpetenzas pedagogicas per pudair s'ocupar da las modas da cumportament dals uffants e giuvenils pertutgads. Ultra da l'autoreflexiun e da la cussegliaziun colleghiala po vegnir recumandada la supervisiun. Igl è impurtant che las persunas d'instrucziun tractian ina a l'autra cun attenziun e stima e ch'ellas hajan tgira da sasezzas. Pli bain che quai gartegia e pli bain ch'ellas pon esser qua per ils uffants e giuvenils.

Concentraziun/attenziun

Pervia da la pronteza d'alarm permanenta han uffants e giuvenils traumatisads grondas difficultads da sa concentrar. Pervia da la spaventusadad ch'è colliada cun quai èn els distracts. Vitiers vegnan savens disturbis dal sien. Per quest motiv èn uffants e giuvenils stanclentads ed han supplementarmain difficultads da sa concentrar sin l'instrucziun.

Interveniuns: Laschar seser l'uffant/il giuvenil en vischinanza da la persuna d'instrucziun, porscher structuraziun regulara e sustegn d'ordaifer, s'atschertar tar incumbensas, sche quellas èn vegnidias chapidas. Tematisar eventualmain cun l'uffant e cun ses geniturs il sien e l'igiena da sien.

Emprender

Il tscharvè d'uffants e da giuvenils traumatisads n'è betg en cas da prestar il medem sco in d'uffants e da giuvenils sauns. Uschia dovrán uffants e giuvenils traumatisads savens dapli temp per emprender novs cuntegns.

Interveniuns: Pazienza da vart da las persunas d'instrucziun, far connexs uschè concrets sco pussaivel en l'intermediaziun da la materia, repeter adina puspè las basas, sclerir cun quità il stadi da savida actual (cun stimar quai ch'è vegniò emprendì fin ussa resguardond ils cuntegns specifics per la cultura da l'uffant u dal giuvenil). Er sch'els han ina buna intelligenza, han uffants traumatisads savens in cler retard tar l'emprender en scola.

Stadis dissociativs

Uffants che han dissocià en la situaziun traumatica reageschan savens puspè cun ina dissociaziun, sch'els vegnan regurdads al trauma. Els reageschan uschia sco sch'els sa chattassan puspè en la situaziun da quella giada. Els daventan airis u sa cumpordan en moda fitg agitada e n'en betg pli accessibels per il mund exterier.

Intervenziuns: Metter a disposiziun ballas da stress (ferms stimulus han savens in effect che fraina la dissociaziun). En cas d'ina dissociaziun: Dar orientaziun (ir vers l'uffant, al dir nua ch'el sa chatta e tgi ch'el è), quietar (mussar a l'uffant ch'el sa chatta en segrezza). Far tut quai che promova il connex cun la realitat.

Cumportament aggressiv

Uffants e giuvenils traumatisads han difficultads da regular lur emozions. Quai po avair differents motivs. Pervia da la surexcitaziun è d'ina vart il nivel da stress permanenta-main pli aut e la toleranza da frustraziun correspondentamain reducida. Da l'autra vart vegnan els savens irritads d'uschenumnads triggers: Sch'els vegnan tutgads ad in lieu fallà che tira endament la violenza subida, vegn l'eveniment actualisà puspè, quai che po chaschunar acziuns nunponderadas.

Perquai che las resursas en il sistem familiar mancan respectivamain pervia dals disturbis psichics dals geniturs n'hant scherts uffants betg emprendì da regular adequata-main lur sentiments.

Intervenziuns: Tematisar l'ir enturn cun violenza e cun ravigia, sco persuna d'instrucziun esser in exemplu, stgaffir pussaivladads da retratga, discutar posteriuramain las situaziuns e sclerir malchapientschas. Tractar sche pussaivel quests temas er cun ils geniturs da l'uffant. Fugitivas e fugitivs minorens vegnan confrontads cun violenza er en Svizra, mesiras per la protecziun dals uffants pon esser in ulteriur sustegn.

Cumportament social e relaziuns

Pervia da la disfidanza envers auters umans sin fundament da quai ch'els han fatg tras, han uffants traumatisads savens difficultads d'entrar en ina relaziun cun auters uffants.

Blers uffants e giuvenils fugitivs han savens enconuschientschas linguísticas ch'en meglras che quellas da lur geniturs ed èn dumandads fermamain en l'ambient familiar: Els translateschan tar termins da medi e d'autoritads, ston surpigiliar blera responsabilidad per ils geniturs. Uschia resta pauc temp per tigiar relaziuns. Ultra da quai engrev-geschan barrieras linguísticas e culturalas d'entrar en contact cun auters uffants.

Intervenziuns: Ordaifer il rom familiar dovrà uffants fugitivs traumatisads relaziuns fidadas e bainvulentas che decleran il nov ambient. Per concepir raschunaivlamain il temp liber che duai avair sco finamira tant da realisar, nua che las atgnas resursas èn, sco er da promover l'integrazion sociala, dovrà els per exemplu l'accumpagnament da personas che fan lavur sociala da scola. Per reducir barrieras linguísticas e culturalas e per sclerir malchapientschas dovrà els savens er sustegn d'autras personas.

Requirentas e requirents d'asil minorens senza accumpagnament

Ils giuvenils minorens senza accumpagnament èn ina grappa da fugitivs spezialmain vulnerabla che dovrà protecziun e sustegn. Sin lur fugia eran els sulets ed han stuì guardar per sasezs ed eran eventualmain exposts a differentas experientschas da vio- lenza. Els dovràn fitg bler sustegn per pudair s'integrar. Perquai ch'els sa trategnan en Svizra senza lur geniturs u senza in'autra persuna cun dretg da tgira, èn els per regla suttamess ad in'avugadia. Persunas spezialisadas correspondentes cussegliant e repre- schentan uffants e giuvenils maximalmain fin ch'els cuntanschan la maioresennitad.

Particularitads da la collavuraziun cun geniturs

La laver cun geniturs da fugitivas e fugitivs minorens è ina sfida speziala pervia da las sbleras chargias da questas famiglias. Per queste geniturs èsi impurtant ch'els survegnan – correspondentamain a lur pussaivladads – puspè la controlla per pudair sustegnair lur uffants e giuvenils.

Per blers geniturs d'uffants fugitivs è la scola in dals emprims contacts cun las institu- ziuns da noss pajais. L'engaschament da persunas scoladas professiunalmain sco inter- pretas interculturalas e d'intermediaturas ed intermediaturs da cultura (sche pussaivel en la lingua materna) è sa cumprovà en il discurs cun geniturs che na san anc betg dis- currer ina da nossas linguas uffizialas. Quai gida ils geniturs da vegnir a savair co ch'els pon sustegnair concretamain lur uffants.

Contactar autres persunas spezialisadas

Sin basa dal lieu segir è la scola cumpetenta per intermediar ils cuntegns pedagogics. En cas da basegn pon las fugitivas ed ils fugitivs minorens vegnir sustegnidts en scola dal servetsch psicologic da scola, da la psichiatria d'uffants e da giuvenils e – sche avant maun – da la laver sociala da scola.

Purschidas da sustegn

- Servetsch psicologic da scola dal Grischun (post regiunal responsabel u secretariat, tel. 081 257 27 42)
- Psichiatria d'uffants e da giuvenils dal Grischun (post central, tel. 081 252 90 23 u post regiunal responsabel)
- Laver sociala da scola (sche avant maun)

Senza permissiun da las auturas e dals auturs na dastga quest document betg vegnir distribui.